

Nā Nīnau Ho'ono'ono'o

He mau nīnau ho'owala'au a hō'eu i ka hana pili i nā wikiō Kumukahi



Kumuhana: **UHAUHUMU PŌHAKU (1)**

Mokuna: 'Oihana

Māhele: Nā Kānaka

Hoa hele: Keola Akana

Kama'āina: Billy Fields

Paena: http://www.kumukahi.org/units/na_kanaka/oihana/uhauhumu_pohaku

Nā nīnau kiko'i

1. He aha ia mea he pōhaku niho? Pehea ke kaumaha o ia pōhaku?
2. I ke kai malo'o e 'ohi'ohi 'ia ai nā pōhaku e nā kānaka kūkulu. No ke aha?
3. He aha ka hopena o kekahi wahi la'a, e like ho'i me ka heiau, ke waiho wale 'ia, 'a'ohe mālama no nā makahiki he nui?
4. Pehea i 'oko'a ai nā 'alemanaka o kēia wā me ka 'alemanaka o ka heiau 'o Hāpai Ali'i?
5. I kēia ao o ke alawiki 'ana mai o nā mea a pau, pehea ke ko'iko'i o ke a'o a me ka mālama i nā ki'ina kūkulu o ka wā ma mua?
6. Aia paha ma kou kaiahome a kaona paha kekahi mau pā i uhauhumu 'ia ai nā pōhaku me ke kimeki 'ole? Pehea, mau nō ka pa'a o ia mau pā? He aha ka makepono o ia ki'ina hana?

Nā nīnau laulā

- He aha nā ha'awina o kēia wikiō e pili ana i ka 'ike Hawai'i a me kona mau pono no kēia au e ne'e nei?
- Pehea e pili ai ia wikiō i kekahi mau hi'ohi'ona o ka mo'omeheu Hawai'i āu i a'o ai a i 'ike ai paha?
- Pehea kākou e ho'omau ai i kēia mau hana ku'una Hawai'i i kēia mua aku?